

吳興費建中先生著

救偏瑣言

雜症嗣出

本衙藏板

救偏瑣言小敘

嘗思道無名象虛寂無爲感而卽應妙用無窮不可得而
思議不獨大道爲然醫之爲道上關運氣下切痼瘵而寄
生命誰曰小道能不靈變乎哉至痘之一症有常有變吉
凶反覆生死尤限於日期一不洞徹而失圓轉可生之痘
陷於不起詎以泥文執象克任斯道乎論痘自放點以至
落痂賴氣血制化其毒而終始其功以故前人執此而按
期定法據症立方雖有不齊大都以扶元爲重治毒爲輕
防危慮患咸以虛脫爲虞常道其宜爾也抑知痘犯元氣
烈毒猶夫火宅不第制化有所不受連氣亦爲毒氣血

爲毒血矣視變爲常而反倒豈有不速其斃耶况時有
遷痘多變局試問今之敗於虛者几上殘花斃於毒者才
林秋葉也虛與毒之辨似是者居多此非成見所能別亦
非聰明所能定也能以四大機關一一深求而參合之痘
之不等於前今之斃類於毒可坐而照矣令痘悉斃於虛
其於充實之體當不登於幽錄廼有痘未及漿而便有是
慘者何也其於薄弱之軀自不留於塵世廼有漿不煩助
而得有以稱慶者又何也衡其毒迫於虛何得以虛而忽
其毒毒之所在命懸頃刻亦奚暇論小而襁褓大而早婚
與值病後哉挈其當務之急得靖殺身之毒斯見大智余

蓋歷來治驗筆難廣記信不誣也妙在參其毒耳如篇中
所載種種惡形惡色與夫症狀之猖狂神情之擾亂其與
氣虛者固已遠隔參商更異夫內蘊不拔之毒見症若虛
深潛燎原之火見症若寒較之暴厲而發揚者險惡尤爲
莫測恒多並形也而色獨異並色也而形不侔並見症也
而所致不同並日期也而規則難施細合端詳無非烈毒
肆虐尚有首尾一轍法非不勁末路尚有餘氛舍順與逆
之外凡費推敲者往昔容有今殆罔不其然是症雖與逆
鄰未得遽與逆視而卒流於逆者非初昧於不知卽擯於
不治有計挽回且前且却而壽畏縮比比皆然以此亞

偏峰俾不終害於偏非得偏以偏救何能以救其偏乎
所以是名也譬之冬衣裘夏袗葛寒燠使然也濟大旱必
需霖雨治洪水自宜排決事理當然也行其無事而已由
來治病易明理難理明一任症之縱橫變態不爲似是所
眩不爲規則所畫不致誤於曲謹亦不受愆於已甚隨在
皆宜頭頭是道矣余少業儒不獲一售旣思以庸才縱得
倖進於世何補檢家藏醫籍及諸家痘疹潛心三載草草
應事留心於茲前人不我欺也殆自甲子更始於古法所
必然者漸覺不當所必禁者漸覺相宜然猶不敢自信竊
見泥古而執成規者不第崇補助陽致輕變重重變逆即

知其痘屬血熱急來緩應同歸於盡可勝道哉儘有本宜
涼解亦不害於參民者幸其內無隱伏外不甚暴偶合於
從治法非正治當然也却舍易而求難矣余雖不敢貿焉
從事究所以然之故而不得則當然者終難自信其先
天耶何以今昔乃爾謂其歲氣耶何以歷年無改苦心參
究於枕畔閒以思民病固因六氣而轉六氣之運本陰陽
太乙而分時行物生寒暑代謝陰陽在歲位也總持歲紀
充積其數陰陽有大運也必甲子一週而一氣之大成始
伏將來乃進自不規規於歲位而得滿充積之數者是則
民病之改易其應大運可知蓋大可以覆小小難以該大

萬化皆然大運於陰陰中亦自有陽是陰爲大而陽爲小矣大運於陽陽中亦自有陰是陽爲大而陰爲小矣逐年歲氣大運之散殊也計歲位而紛更者不明運氣之大局也執一局而不移者更令造物無陰陽化工無運氣矣是大造不分而分不定而定謂無定準也而却有恒恒則貞於久而有以見其運之大謂有定準也而又代巡巡則無定局而有以見其大而運以證往昔痘多虛寒大運在寒水也今多烈毒大運在相火也相火之爲令最厲民病多暴邪陽烈火亢極似水惟此運爲然甚則客忤中惡人強力勇者藥餌有不及待往往迭見痘值其運無惑乎血熱

更多惡暴矣閒有氣虛陽中之陰終非昔之虛寒並例在
昔寧無血熱陰中之陽終非今之烈毒等象乃知痘之不
同出自陰陽而陽在相火更見獨異無論與濕土寒水陰
陽殊絕卽如風木木爲火母風且動焉非純陽之自乎雖
火令有待而陽局基之是將乘未乘之象也如燥金金屬
秋陽燥因火至非純陽之後乎雖盛餘必謝而火局猶存
是將除未除之象也二氣不得與亢陽比擬猶謂其陰陽
之界耳乃若君火旺於夏而象離敷榮暢茂物皆賴焉火
故名君純陽得令之象若過而及熾不幾與亢陽無別然
君火雖熾水一制而正令卽可復也相火獨異焉者大

之邪陽不藉水生不受水制五行常道不能闕其局者
痘烈毒如斯令不禦之於格外垂斃何挽歷考方書惟仲
陽清解獨勝究其功用適宜君火之時局僅治毒火之常
全書暨金鏡錄補瀉兼施其所調劑偶中陰陽之合令尤
爲蹈常之法諸方得肯綮者亦閒有之皆備一時之急至
法能禦變不忽於始不懈於終而斡旋造化良法未之見
也惟玉髓篇開示奇形怪痘責人不識夫亦當年時值其
運而有是痘則是痘以前寧無是運是運常轉法不及見
據能開示者法亦似乎能備惜知及而力未充尚非勁敵
著夫陳魏兩家魏主溫補保元陳主燥實固本一切視以

爲末意曩時運必寒水濕土疸合當然法故得以如是
遇君火險必變逆一櫻相火誠利刃矣諸家治法陳列於
前凡有可宗便有當戒惟在取裁者何如耳何有一薛氏
尤取燥實更善述其所著將爲世則徒知疸之一局不知
局以時換知道之一端不知道有全體若此迷途類推古
來元梟烈毒見有可畏便虞正不敵邪不衡勢之孰緩孰
急惟務養正之說矣能知道無定體而想圓轉之法其識
目寡安望識力並到者乎致令可生之疸反促其斃不責
於虛便咎於逆冤慘及今而無已也是道不在求合運氣
總以四大機關一一深求而參合之迪知病真之所在

覺運氣之所致不求合而自冥合得其時措之宜操縱惟
我人見爲異我得其常亦何偏之足云神理不踰常道惟
在會心者得之余之妄作恐在暗中摸索第與東行而西
向者卽如石如杯并不得而名狀矣故不以狂瞽自分而
冒妄作不以瑣言爲贅而蹈數窮良以學至化境并無可
言魚兔若未入手筌蹄在所必藉昔節菴陶君著傷寒瑣
言諄諄而不憚煩其殆先得我心之所同然者乎妄作粗
成諸親友謬爲鑒賞遽爲叟授梓余殊慙然後適因
中阻得少加參考今殘年紀七料難精進竊力竣事祈大
方誨我

告

順治己亥菊月吳興七十老人費履於建中寺自敘於惠
廸堂

帳堂

順帝曰亥藤月廿十無八

岩

大
月餘代惠

救偏瑣言目錄

小引

卷之一

救偏總論

論氣

治痘運掌賦

治痘須知大運論

治痘藥性摘要賦

卷之二

發熱論

附治驗一

牙發論

附治驗二

推廣規則錄

論痘症權宜

附治驗三

論血

原痘論

疏表

附治驗

達裏

附治驗

痘有首尾疏達訣

附治驗

痘有不宜疏達訣

附治驗

放點痘治準

附治驗

稀有不症

附治驗

忽視之戒并治

密有充肥

附治驗

附治驗

陷有毒滯

附治驗

附治驗

縱有囊薄

附治驗

附治驗

薄有浮衣

附治驗

附治驗

平扁與不鬆辨

附治驗

氣拘與毒絳辨

附治驗

嬌紅非血熱辨

附治驗

血鬱非氣虛辨

附治驗

卷之三

起脹症治準

攻毒總訣

申明毒火深藏等症

自前兩王番所統其有七上
卷有治驗附後

申明貫珠攢簇怪痘

附

圖狀怪痘惡形

紀十有七種
各附治驗

圖狀怪痘惡象

紀十有八種
各附治驗
附治驗有

申明惡色并治法

附治驗有

申明四毒頁

各有治驗

申明痘佳症惡

附

申明痘白雄標

附治驗

申明飛漿

附治驗

申明泡湧

附治驗

卷之四

涼血撮要訣

清火窮源論

下有詳明五卷

清火症治準

京血清火不拘首尾論

附治驗

分別毒火論

論行漿

火

論補氣

論補血

論實表

論健胃

附治驗

論安神

附治驗

論血虛咬牙

附治驗

論氣虛寒戰

附治驗

論氣虛作痒

附治驗

論脾虛作瀉

附治

卷之五

論痘變症有不常不古

痘症變幻總論

論火毒咬牙